



Inatsisartunut ilaasortaq Aqqaluaq B Egede, Inuit Ataqtigiit
Inatsisartut Allattoqarfiat
/-Maani

**Mittarfiit aamma Air Greenland A/S-i pillugit § 37 naapertorlugu apeq-
qutinut nr. 2019/117-imi akissutit.**

11-03-2019
Suliap nr. 2019 - 1361
Allakkat nr. 9318566

Asasara Aqqaluaq B. Egede,

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Mittarfiit aamma Air Greenland A/S pillugit Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisasannngortinneqarsimapput.

Apeqqutigineqartut ima oqaasertaqarput:

**1. Mittarfissat nutaat sanaartorneqartussat siunissami danskit piginneqa-
taassuteqarnissaat taamatullu ingerlatsinikkut iluanaarutisiaqartarnis-
saat Naalakkersuisuniit aalajangiusimaneqarpat?**

Akissut:

Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersumi § 6-imi, Kalaallit Airports International A/S-imi 0,7 mia kr.-nit angullugit naalagaaffiup aningaasannngorlugit aningaasaliitinnissaanut Naalakkersuisut Inatsisartunit piginnaatinneqartut takuneqarsinnaavoq. Aammattaaq aalajangersakkami takuneqarsinnaavoq, Kalaallit Airports International A/S-mut atatillugu aktiaatilittut pisinnaatitaaffiit pillugit danskit naalakkersuisuinut piginnittut isumaqatigiissutaannik isumaqatigiissuteqarnissamut Naalakkersuisut Inatsisartunit piginnaatinneqarput.

Inatsit qulaani taaneqartoq Inatsisartunit akuerineqarsimasoq naapertorlugu Kalaallit Airports International A/S-mi naalagaaffiup aningaasaliinissaa kiisalu taassuma saniatigut ingerlatseqatigiiffimmut attartornissamut atugassarititaasunut iluaqutaasussat pissarsiariniarnerinut naalagaaffiup peqataatinniarnera pillugu naalakkersuisunik isumaqatigiissuteqarneq anguniarlugu Naalakkersuisut sulipput.

2. Kalaallit Airport-ip Ingerlatsinikkut iluanaarutai danskit piginneqataa-nerisigut ukiut 40-ut ingerlaneranni missingersuutit naapertorlugit aningaasat qanoq amerlatigisut danskit naalagaaffiata pissarsiarissa-vaat?

Akissut:

Malugeqquneqarpoq avataaniit taarsigassarsisitsisumit taamatut angitigisumik taarsigassarsinissaagaluumut taarsiullugu Kalaallit Airports International A/S-mut naalagaaffik aningaasaliissuteqartussaammat. Tamanna naalakkersuisut Naalakkersuisut 10. septembari 2018-imi aamma 27. februaari 2019-imi isumaqatigiissutaanni kiisalu inatsisini taakkualu nassuiaatitaanni allaaserineqarpoq.

Taamalu ingerlatseqatigiiffiup 700 mio. kr.-nit taamaaqataannik akiitsornissaa millisinneqarpoq aamma avataanit taarsigassarsisitsisumit 700 mio. kr.-inik akiliisariaqaraluarneq atorunnaarpoq. Mittarfinnut iluarsartuullugu pilersaarusiaq atuisunut iluanaarutaasorujussuussaaq, naalagaaffiullu peqataanera mittarfinnut nutaanut 1 mia. kr.-nit missaanni aningaasaqarnermut pitsanngoriaataassaaq. Ilaatigut aningaasaliissuteqarnermut taaneqartukkut, ilaatigut ernianut aningaa-sartuutinik sipaaruteqarnikkut.

Nalinginnaasumik malittarisami pingaarnermi atuuttumi suliffeqarfimmi nammineq aningaasaatit erniaat avataanit aningaasanik taarsigassarsinermi erniat atorunnaartarput. Taamatut nalinginnaasumik malittarisami pingaarnermi atuuppoq iluanaarutisianik agguaassinermi ingerlatseqatigiiffiup aningaasatigut pisariaqartitsinera aamma iluanaarutit piviusunngortitat malillugit naleqqussarneqartussaammata. Tamanna ilaatigut ingerlatseqatigiiffinnutinatsimmi allaaserineqarpoq.

Taamaattumik apeqqutigineqartut Kalaallit Airports International A/S-mi naalagaaffiup piginneqataaneranut iluanaarut aalajangersimasumik oqaatigineqareersinnaangilaq. Taassuma saniatigut siusinnerusukkut naatsorsuinerit saqqummiunneqartut kiisalu allannguutissatut siunnersuutininut ataatsimoortunut nassuiaatit, Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisissaattut siunnersuutipaappassaaneernejarnernani Naalakkersuisut saqqummiussaata innersuussutigissavakka.

3. Takornarissat tikittartut ullumikkut amerlassuseqaannassappata mit-tarfissat nutaat missingersuutit malillugit ukiut 40-ut ingerlaneranni qa-

noq aningaasarsiornikkut pissarsiaqaataassappat / imaluunniit annaasaqaataassappat?

Akissut:

Soorunami pisut sunniuteqassapput soorlu mittarfinniit mittarfinnullu timminerit amerlasussaasa aamma ilaasut amerlasussaasa amerliartornerisa ikiliartornerisaluunniit mittarfiit aningaasaqarnerat sunniiffigissavaat. Takornarissat ilaasunit immikkoorlutik amerlassusaata piviusumik ineriartornera apeqqutaatinnagu atuuppoq. Tamatuma saniatigut apeqqut 2-mut akissutigat innersuutissavara, takuuk siusinnerusukkat naatsorsuinerit saqqummiunneqartut kiisalu allannguu-tissatut siunnersuutitut ataatsimoortunut nassuiaatit, Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piunasaqaatit pillugit Inatsisartut inatsisissaattut siunnersuutip aappassaaneerqarnerani Naalakkersuisut saqqummiussaata. Tamatuma sania-tigut oqaatigineqassaaq, ilaasut ineriartornissaannut siumut naatsorsorneqartumut, mittarfiliassanut ingerlatsinissamut pilersaarummi aamma inuiaqatigiit aningaasa-qarneranni misissueqqissaarnermut tunngavigineqartumut, ilaasut amerlassusaat ullumikkut ilisimaneqartut, aallaavigineqarmata

4. Mittarfissat atuutillerpata sinerissami mittarfiit pioreersut sorliit kiffartuussinermik isumaqatigiissummi millileriffigineqassappat?

Akissut:

Timmisartukkat angallannermut kiffartuussinissamik isumaqatigiissutitut maan-nakkut piffissamut isumaqatigiissutit 2020/21-mut atuuttup saniatigut isummer-toqanngilaq. Aammattaaq apeqqummi oqaatigineqartut mittarfiit atuutereersut tulleriissaarinermi kingullinnagortinneqarnissaat pillugu aalajangiisoqanngilaq. Apeqqutigineqartumut allanik ilanngussassaqaanngilanga.

5. Sinerissami mittarfiit pioreersut qanoq eqqorneqarnissaat siorngerlugu ilisimanagu aningaasarsiornikkullu qanoq sunniuteqarnissaat ilisimangu mittarfissat nutaat aalajangiiffigineqarsimappat?

Akissut:

Suleqatigiissitat 2018-imi oktobarimi kommunit attuumassuteqartut suleqatiga-lugit mittarfiit aaqquissuusaanerata nutaap ilaatigut Kangerlussuarmut Narsar-suarmullu sunik kinguneqassanersut erseqqissaassuteqartussat pilersinneqarput. Sulineq taanna maanakkut ingerlavoq taamaattumillu mittarfinnut atuutereersu-nut kinguneriumaagassai suusinnaassanersut piffissami matumani isummerfigi-neqarsinnaanngillat.

Tamatuma saniatigut innersuutissavakka siusinnerusukkut naatsorsuinerit saqqummiunneqartut kiisalu allannguutissatut siunnersuummut Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisissaattut siunnersuutip aappassaaneerneqarnerani nassuiaatit Naalakkersuisunit saqqummiunneqartut.

6. Air Greenland-ip tamakkiisumik inuiaqatigiinniit pigineqalernissaannik siunertaq suli Naalakkersuisut attappaat?

Akissut:

Naalakkersuisut sulinerimik aallartitsipput Namminersorlutik Oqartussat – toqqaannartumik toqqaannangitsumilluunniit – Air Greenland A/S-mi naalagaaffiup aamma SAS-ip aktiaataanik tigusinissaannut kinguneriumaagassanik aamma qanoq pisoqarnerani periarfissanik naliliisussamik. Tassunga atatillugu ataatsimoorussamik nalunaarut ulloq 12, septembari 2018-imi ingerlatseqatigiiffimmut aktiaatilinnut tunniunneqartoq innersuunneqarsinnaavoq, tassani peqataasut Air Greenland A/S-mi SAS-ip naalagaaffiullu aktiaataannik Namminersorlutik Oqartussat pisinissaannut periarfissat erseqqinnerusumik misissor-neqassasut nalunaarutigaat. Tassunga atatillugu Air Greenland A/S-mi SAS-ip naalagaaffiullu aktiaataannik tigusinnaanermut periarfissat erseqqissaaffigineqarnissaannut sulinerimut atugaasatut aningasaliissutinik qaffaaneq Aningaasaqarnermut Akileraartarnermullu Ataatsimiititaliap akuersissutigaa.

7. Siunissami Air Greenlandip kisermaassisussaataitaanani ingerlatseqatigiiffinniit allaniit unammillerneqarsinnaanissaa Naalakkersuisut suli attappaat?

Akissut:

Naalakkersuisut isumaqarput, Kalaallit Nunaanni timmisartukkut angallannerimut kiisalu Kalaallit Nunaannut aamma Kalaallit Nunaanniit angallannerimut Air Greenland A/S kisermaassisuunissamik tunineqarsimanngitsoq.

Naalakkersuisut isumaqarput, Kalaallit Nunaanniit Kalaallit Nunaannullu timmisartunik angallanneq taamatut ukiuni arlalinni atuussimanersut unammillerfiusariaqartoq.

8. Air Greenland siunissami unammillerteqarnera annertusissappat iluanaarutitigut pissarsiaasa millinissaat Naalakkersuisut uppersarsarsinnaavaat?

Akissut:

Air Greenland siunissami unammillerteqarnera annertusissappat iluanaarutitigut pissarsiaasa millinissaat Naalakkersuisut uppersarsarsinnaavaat? Taamaattoq Air Greenland A/S-mut apeqqutigisariaqarpoq.

Inussiarnersumik inuulluaqqusillunga



Kim Kielsen